



五言古詩卷之二

唐詩品彙二十一

新寧高棟編

餘響上

王建

江南雜體 二首

處處江草綠
行人發瀟湘
瀟湘迴鴈多
日夜思故鄉
春夢不知數
空山蘭蕙芳
江上風條條
竹間湘水流
日夜桂花落
行人去悠悠
復見離別處
虫聲陰雨秋

思遠人

妾思常懸懸君行復綿綿征途向何處碧海與青天
歲久自有念誰令長在邊少年若不歸蘭室如黃泉

早起

迴燈正衣裳出戶星未稀堂上候姑起環佩生晨輝
暗池光暮歷密樹花歲蕤九成鍾漏絕遙聽直郎歸

邯鄲主人

遠客無主人夜投邯鄲市飛蛾遶殘燭半夜人醉起
壚邊酒家女遺我絳綺被合我雙鳳花宛轉不相離
縱令顏色故勿遣合歡異一念始為難萬金誰足貴
門前長安道去者如流水晨風去鳥翔徘徊別離此

將歸故山留別杜侍御

有川不得涉有路不得行沉沉百夢中一日如一生

劉云人不能道錯來干諸侯石田廢春耕虎戟衛重門

何因達中誠日月俱照曜山川異陰晴如何百里間

開目不見明我今歸故山誓與草木并願君去丘阪

長使道路平劉云古意

七泉寺上方

長年好名山本性今得從回首壓跡遙稍見麋鹿蹤

老僧雲中居石門青重重陰泉養成龜古壁飛却龍

掃石禮新經懸幡上高峯日高猿鳥合劉云好覓食聽

山鍾將火尋遠泉煮茶傍寒松晚隨收藥人便宿南
澗中劉云在晨起衝露行濕花枝茸茸歸依向禪師願
作香火翁

張籍

張自本集序文公為古風善最自李杜之後風雅道喪緣其美者惟公一人矣○白樂天讀其詩云張公何為者業文三十年尤攻樂府辭舉代少其倫○姚合讀其詩云妙絕江南曲妻流怨女詩古風無敵手新語是人知其為當時名士推服也如此

宛轉行

華屋重翠幄綺席雕象床遠漏微更踈薄衾中夜涼
爐盞暗徘徊寒燈背斜光妍姿結宵態寢辟幽夢長

宛轉復宛轉憶君更未央

離怨

切切重切切秋風桂枝折人當少年嫁我當少年別

劉云真是婦人本色

念君非征行年年長遠途妾身甘獨沒高

堂有舅姑山川豈遙遠行人自不返

劉云甚是優游

陳羽

公子行

金羈白馬郎何處踏青來馬驕郎半醉躑躅望樓臺
似見樓上人玲瓏窓戶開隔花聞一咲落日不知回

楊賁

感興一作特興

貴人昔未貴，咸願顧寒微。及自登樞要，何曾問布衣。
平明登紫閣，日晏下彤闈。擾擾路傍子，無勞歌是非。

陸長源

訓孟十二新居

大道本夷曠，高情亦冲虛。因隨白雲意，偶逐青蘿居。
青蘿紛蒙密，四序無慘舒。餘清濯子衿，散彩還吾廬。
去歲登美第，策名在公車。將必繼管籥，豈惟躡應徐。
首夏尚清和，殘芳遍丘墟。褰幃陰窓柳，汲井滋園蔬。
達者貴知心，古人不願餘。愛君蔣生逕，且看茂陵書。

李涉

題清溪鬼谷先生舊居

翠壁開天地，青崖列雲樹。水容不可狀，杳若清河霧。
常聞先生教，指示秦儀路。二子才不同，逞詞過尺度。
偶因從吏役，遠到冥栖處。松月想舊山，烟霞了如故。
未遑鍊金鼎，日覺容光暮。萬慮隨境生，何由返真素。
寂寞天籟息，清迥鳥聲曙。迴首望重重，無期挹風馭。

白居易

蘇東坡云：樂天善長篇，但格製不高，局於淺切，又不能變風操，故讀而易厭矣。○沈存中云：樂天詩不必皆好，然識趣可尚矣。○詩苑類格云：樂天諷諭之詩，長於激閑。

適之詩長於遣感傷之詩長於切律詩百
言以上長於瞻五字七字百言以上長於
情

續古五首

春日日出曛曛曜晨暉草木照未遠浮雲已蔽之
天地黯以晦當午如昏時雖有東南風力微不能吹
中園何所有滿地青青葵陽光委雲上傾心欲何依

二

掩涕別鄉里飄飄將遠行茫茫綠野中春盡孤客情
驅馬上丘隴高低路不平風吹棠梨花啼鳥時一聲
古墓何代人不知姓與名化作路傍土年年春草生

感彼忽自悟今我何營營

三

朝採山上薇暮採山上薇歲晏薇亦盡飢來何所為
坐飲白石水手抱青松枝擊節獨長歌其聲清且悲
櫪馬非不肥所苦長繫維豢豕非不飽所憂竟為犧
行行歌此曲以慰常苦飢

四

戚戚復戚戚送君遠行役行役非中原海外黃沙磧
伶俜獨居妾迢遞長征客君望功名歸妾憂生死隔
誰家無夫婦何人不離拆所恨薄命身嫁遲別日迫

妾身有存沒妾心無改易生為閨中婦死作山頭石

五

窈窕雙鬟女容德俱如玉晝居不踰閫夜行常秉燭
氣如含露蘭心似貫霜竹宜當備嬪御胡為守幽獨
無媒不得選年忽過三六歲暮望漢宮誰在黃金屋
邯鄲進娼女能唱黃花曲一曲稱君心恩榮連九族

小閣閑坐

閣前竹蕭蕭閣下水潺潺拂簾捲簾坐清風生其間
靜聞新蟬鳴遠見飛鳥還但有巾掛壁而無客叩關
二疏返故里四老歸舊山吾亦適所願求閑而得閑

首夏南池獨酌

春盡雜英歇夏初芳草深薰風自南來吹我池上林
綠蘋散還合頰鯉跳復沉新葉有佳色殘鶯猶好音
依然謝家物池酌對風琴慚無康樂咏秉筆思沉吟
境勝才思窮詩成不稱心

重過壽泉憶與楊九別時因題店壁

商州南十里水有名壽泉湧出石岍下流經山店前
憶昔別離日我去君言還寒波與老淚此地共潺湲
一去歷萬里再去經六年形容已變改泉水猶依然
他日君過此殷勤吟此篇

秋池

身閑無所爲，心閑無所思。况當故園夜，復此新秋池。
岸暗鳥栖後，橋明月出時。菱花香散漫，桂露光參差。
靜境多獨得，幽懷竟誰知。悠然心中語，自問來何遲。

聽琴

集作清夜琴興

月出烏栖盡，寂然坐空林。是時心境閑，可以彈素琴。
清泠由水性，恬淡隨人心。心積和平氣，水應正始音。
響餘群動息，曲罷秋夜深。正聲感元化，天地清沉沉。

歐陽詹

銅雀妓

蕭條登古臺，回首黃金屋。落葉不歸林，高陵永為谷。
粧容徒自麗，舞態能悅誰。目惆悵，總惟前歌聲。苦如哭。

晨裝行

村店月西入，山枝鴨鵝聲。求燈徹夜席，束囊事晨征。
寂寂人尚眠，悠悠天未明。豈無偃息心，所務前有程。

題嚴光釣臺

弭棹歷陳迹，悄然關我情。伊無昔時節，豈有今時名。
辭貴不辭賤，是心誰復行。欽哉此溪曲，永得英風聲。

自懷州却赴洛途中作

惆悵策疲馬，孤蓬被風吹。昨東今又西，冉冉長路岐。

歲晚桂無葉夜寒霜滿枝旅人恒苦辛冥冥天何知

徐十八晦落第

嘉穀不夏熟大器當晚成徐生異凡鳥安得非特鳴
汲汲有所集作為驅驅無本情懿哉蒼梧鳳終見排
雲征

初發太原途中寄所思

驅馬覺漸遠回頭長路塵高城已不見况復城中人
去意尚未甘居情諒尤幸萬里東北晉千里西南秦
一履不出門一車無停輪流萍與繫匏早晚期相親
同諸公過福先寺律院宣上人房

律座下朝講書門為掩關偶同靜者來正值高雲閑
寂爾方丈內瑩然虛白間千燈智慧心片玉清羸顏
松色落深井竹陰寒小山晤言流曦晚惆悵歸人寰

翫月

八月三五夕舊嘉蟾兔光斯從古人好共下今宵堂
素魄皎孤凝芳輝紛四揚徘徊林上頭泛艷天中央
皓露助流華輕颺佐浮涼清冷到肌膚潔白盈衣裳
惜此苦宜翫攬之非可將含情願廣庭願勿沉西方

鮑溶

隋宮

御街行路客行路悲春風野老幾代人猶畊煬帝宮
零落池臺勢高低禾黍中

岐路

北客苦微寒徒侶勒遠程憂人席不煖殘月馬上明
飄飄岐路間長見日初生重嶂曉色淺踈徂寒啼清
人間多岐路常恐終身行迴見四方人車輪無留聲
空谷亦堪隱下田非懶耕古人有遺訓飽食非親榮
我生禮義鄉少小見太平聖賢猶羈旅况復非其名

呂溫

聞砧有感

千門儼雲端此地富羅紈秋月三五夜砧聲滿長安
幽人感中懷靜聽淚汎瀾所恨擣衣者不知天下寒

李賀

京兆杜牧本集序畧云賀詩蓋騷之苗裔
理雖不及辭或過之世皆曰使賀且未死
少加以理奴婢命騷可也○嚴滄浪云盧
仝之惟長吉之詭天地間自無此体不得
○又云太白天仙之詞
長吉鬼仙之詞矣

走馬引

中華古今註云博里牧恭為父報
怨殺人匿山下有天馬夜降圍棊
室而鳴聞聲以為吏追之奔走且視乃天
馬跡也因悟曰豈吾所處之將危乎遂逃
沂澤援等
為此引

我有辭鄉劍玉鋒堪截雲襄陽走馬客意氣自生春

朝嫌劍花淨莫嫌劍光冷能持劍向人不解持照身

傷心行

咽咽學楚吟病骨傷幽素秋姿白髮生木葉啼風雨
燈青蘭膏歇落照飛蛾舞古壁生凝塵羈魂夢中語

銅雀妓追和何遜謝朓之作

佳人一壺酒秋容滿千里石馬卧新烟憂來何所似
歌聲且潜弄陵樹風自起長裾壓高臺淚眼看花機

劉須溪云不必苦心居然自近選語又云直有墓中不能言者却正如此亦近大体

塞下曲

胡角引北風薊門白於水劉云悲壯天含青海道城頭

月千里露下旗濛濛寒金鳴夜刻蕃甲鎖蛇鱗馬嘶

青塚白秋靜見旄頭沙遠席羈愁一作席真愁為是蓋卧沙中以豆箕

為席也障北天應盡河聲出寒流

還自會稽歌并序

庾肩吾於梁時嘗作宮體謠歌引以應和皇子及
國勢淪敗肩吾先潜難會稽後始還家僕意其必
有文今無得焉故作還自會稽歌以補其悲

野粉椒壁黃濕螢滿梁殿臺城應教人秋衾夢銅輦

太子車也吳霜點歸鬢身與塘蒲晚脉脉辭金魚羈臣守

迎賤劉云此擬肩吾之作安得不述梁亡之悲其沉着憔悴在於託言秋衾銅輦之夢而庾自見殆

賦外賦也塘蒲之嘆融入
秋晚結語却如此極是矣

感諷

星盡四方高萬物知天曙已生須已養荷擔出門去

君平久不返康伯遁國路漢韓康字伯休桓帝聘之

去曉思何澆澆闐闐千人語劉云舉世君平康伯休

其妙在言外末語不收拾之收拾更佳

賈島

司空圖云賈詩誠有警句視其全篇意思殊晦

古意

碌碌復碌碌百年雙轉轂志士中夜心良馬白目足

俱為不等閑誰是知音目眼中兩行淚曾吊三獻玉

易水懷古

荆卿重虛死烈節書前史我嘆方寸心誰論一時事

至今易水橋涼風兮瀟瀟易水流得盡荆卿名不泯

延康吟

寄居延康里為與延康隣不愛延康里愛此里中人

人非十年故人非九族親人有不朽語得之烟山春

題岸上人郡內閑居

靜向方寸求不居千嶂幽池開齒齒香門閉莓苔秋

金玉重四句梳糠輕九流爐烟上喬木鍾磬下危樓

手種一株松貞心與師儔

荅王參

寸晷不相待四時去如競客思先覺秋虫聲苦知暝
霜松積舊翠露月圓如鏡詩負屬景同琴孤坐堂聽
相期黃菊節別約紅桃逕每把式微篇臨風一長咏

和劉涵

京官始云滿野人依舊閑閉門一畝居中有古風還
市井日已午幽窓夢南山喬木覆比齋有鳥鳴其間
前日遠嶽僧來時與開關新題驚我瘦窺鏡見醜顏
陶情昔清澹此意當誰攀

寄孟協律

我有吊古泣不泣向路岐揮淚洒暮天滴着桂樹枝
別後東節至離心北風吹坐孤雪飛夕泉落石橋時
不驚猛虎嘯難辱君子詞欲酬空覺老無以堪遠持
岩堯倚窓角王屋懸清思

感秋

商氣颯已來歲華又虛擲朝雲巖竒峯暮雨洒踈滴
幾蜩唳涼葉數虫思陰壁落日空館中歸心遠山碧
昔人多秋感今日何異昔四序馳百年玄髮坐來白
喧喧徇名利擾擾同轍迹倘無世上懷去偃松下石

寄遠

別腸多鬱紆豈能肥肌膚始知相結密不若相結踈
踈別恨應少密離恨難祛門前南流水中有北飛魚
魚飛向北海可以寄遠書不惜寄遠書故人今在無
况此數尺身阻彼萬里途自非日月光難以知子軀

姚合

街西居

愛得山野性住城事多違青山在宅南迴首東西稀
淺淺一井泉數家同汲之獨我惡水濁鑿井庭之陸
自鑿還自飲亦為衆所非吁嗟世間事潔身誠難為

寄李餘卧疾

窮節彌慘慄我謳自云樂伊人同疾恙所對唯苦藥
寂寞行稍稀清羸食自薄幽齋外浮事夢寐亦蘭若
雪戶掩復明風簾捲還落方持數杯酒勉子同斟酌

杜牧

唐史本傳云牧詩清致豪邁人號為小杜以別杜甫云然議論好異於人稍自昧於理者

獨酌

長空碧杳杳萬古一飛鳥生前酒半閑愁醉閑多少
烟深隋家寺殷葉暗相照獨佩一壺遊秋毫泰山小

題安州浮雲寺樓寄湖州張郎中

去夏踈雨餘同倚朱闌語當時樓下水今日到何處
恨如春草多事與孤鴻去楚岸柳何窮別愁紛若絮

題宣州開元寺

寺創于東晉時

南朝謝宣城東吳最深處亡國去如鴻遺寺藏烟塢
樓飛九十尺廊環四伯柱高高下下中風繞桂松樹
青苔照朱閣白鳥兩相語溪聲入僧夢月色輝粉堵
閱景無旦夕凭欄有今古留我一罇酒前山看春雨
赴京初入汴口曉景即事寄兵部李郎中
清淮控隨漕北走長安道檣形櫛櫛斜浪態迤迤好

迤徒何切初旭紅可染明河澹如掃澤闕鳥來遲村飢人
語早露蔓垂絲多風滿樊離老秋思高蕭蕭客愁長
裊裊因懷京洛間宦遊何草草什伍持津梁頊湧爭
追討黼便詎可尋幾秘安能考小人乏馨香上下將
何禱唯有君子心顯豁如幽抱

許渾

洛陽道中

洛陽多舊跡一日幾人愁風起禁花晚月明陵樹秋
興亡不可問唯見水東流

汾上葵別

雲物如故鄉山川知異路年來未歸客馬上春欲暮
一樽花下酒落日水西樹不待管絃終搖鞭背花去

李商隱

唐史本傳云李為文章瑰邁奇古長於律詩尤精咏史與温庭筠輩號三十六躰自稱玉溪子云亦曰西崑躰

無題

八歲偷照鏡長眉已能盡十歲去踏青芙蓉作裙衩
十二學彈箏銀甲不曾卸十四歲六親懸知猶未嫁
十五泣春風背立鞦韆下
五言古詩卷之二十一 唐詩品彙二十一

五言古詩卷之二十二

唐詩品彙二十二

新寧高棟編

餘響下

馬戴

嚴滄浪云馬戴詩在晚唐諸人之上

晚眺有懷

惻惻抱離念曠懷成然歌高臺試延望落照在寒波
此地芳草歇舊山喬木多悠然暮天際但見鳥相過
夕次淮口

天涯孤光盡木末群鳥還夜久遊子息月明岐路閑

風生淮水上帆落楚雲間此意今誰見行行悲故關
宿裴氏谿居懷厲玄先輩

樹下孤石坐草間微有霜同此不同人零鳥自南翔
迢遞夜山色清冷泉月光西風耿離抱江海遙相望

陳陶

悲哉行

中嶽仇先生遺余弭松方服之一千日肢體生異香
步履如風旋天涯不齎糧仍云為此仙不得朝虛皇
狡兔有三穴人生又何常悲哉二廉士餓死於首陽

懷仙吟二首

丹陵五牙客昨日羅浮歸赤斧尋不得烟霞空滿衣
試於華陽問果遇三茅知採藥向十洲同行牧羊兒
十洲隔八海浩渺不可期空留雙白鶴巢在長松枝

又

雲溪古流水春晚桃花香憶與我師別片帆歸滄浪
滄浪在何許相思泪如雨黃鶴不復來雲深別離處
石渠泉泠泠三見菖蒲生日夜勞夢魂隨波注東溟
空懷別時惠長讀魔消經

寄元孚道人

楚寺章句客佩蘭三十年長乘碧雲馬時策翰林鞭

曩事五岳遊金衣曳祥烟高攀桐君手左倚鸞鷲肩
哭玉秋雨中摘星春風前橫輦截洪偃憑几看宮宣
爾來寤華胥石壁孤雲眠龍降始聽偈龜老方巢蓮
內殿無文僧騶虞誰能牽因之問楚水吊屈幾潺湲

蒲門戍觀海作

廓落溟漲曉蒲門鬱蒼蒼登樓禮東君旭日生扶桑
毫釐見蓬瀛吞吐金銀光草木露未晞蜃樓
欲遊蟠桃國慮步魑魍鄉徐市惑秦朝何人在岩廊
惜哉千童子葬骨於渺茫恭聞槎客言東池接天潢
即此聘牛女曰祈長壽方靈津水清淺余亦慕脩航

溫庭筠

湘宮人歌

池塘芳意濕夜半東風起生綵畫羅屏金壺貯春水
黃粉楚宮人芳花王刻麟娟娟照臺燭不語兩含顰

西州詞

悠悠復悠悠昨日下西州西州風色好遙見武昌樓
武昌何鬱鬱儂家定無匹小婦被流黃登樓無瑤瑟
朱絃繁復輕素手直淒清一彈三四解掩抑侶含情
南樓登且望西江廣復平艇子搖兩槳催過石頭城
門前烏臼樹慘澹天將曙鷄鶴飛復還郎隨早帆去

回頭語同伴定復負情儂去帆不安幅作抵使西風
他日相尋索莫作西州客西州人不歸春草年年碧
劉駕

出塞

胡塞不開花四時多作雪北人尚凍死况我本南越
古來犬羊地巡狩無遺轍九土耕不盡武皇猶戰伐
中天有高閣高畫何時歇坐恐塞上山低於沙上骨

寄遠

雪花豈結子徒滿連理枝嫁與征人妻不得長相隨
去年君點行賤妾是新婦別早見未熟入夢無定姿

悄悄空閨中蛩聲透羅帷得書喜猶甚况復見君時
醒後

醉卧芳草間酒醒日落後壺觴半傾覆客去應已久
不記折花時何得花在手

早行

馬上續殘夢馬嘶時復驚心孤多所虞僮僕近我行
栖禽未分散落月照古城莫羨閑居者溪邊人已耕

蘭昌宮

宮蘭非瑤草安得春長在回首春又歸翠葉不能待
悲風生輦路山川寂已晦邊恨在行人行人無盡歲

姑蘇臺

勾踐飲膽日吳酒香滿杯笙歌入海雲聲自姑蘇來
西施舞初罷侍兒整整金釵衆女不敢妬自比泉下泥
越鼓聲騰騰吳天隔塵埃難將甬東地更學會稽棲
霸跡一朝盡草中棠梨開

馮叟居

天作馮叟居山僧尚嫌僻開門因兩樹結宇倚翠壁
溪南有微逕時遇採芝客往往白雲生對面千里隔
機忘若童僕常與猿鳥劇暇藥上小峯庭深無日色
自從忘歸鄉一作歸鄉里不見舊親戚纍纍子孫墓秋風

吹古栢

出門

出門羨他人奔走如得途翻思他人意與我或不殊
以茲聊自安默默行九衢生計逐羸馬每出侶移居
有從我鄉來但得隣里書田園幾換主夢歸猶何鋤
進猶希萬一退復何所如况今闢公道安得不躊躇

儲嗣宗

送人歸故園

遠節慘言別况逢心久違從來憶家淚今日送君歸
野路正風雪還鄉猶布衣里中耕稼者應笑讀書非

李群玉

感興二首

洞房三五夕金缸凝燄滅美人抱雲和斜倚紗窓月
沉吟想幽夢閨思深不說絃冷玉指寒含嚔達明發

又

朔鴈銜邊秋寒聲落莫代先驚愁入耳顏髮潛消改
凝雲蔽洛浦夢寐勞光彩天邊無書來相思淚如海

湖中古愁

南雲哭重華水死悲二女天邊九點黛白骨遺處所
朦朧波上瑟清夜降北渚萬古一雙鳧飄飄在烟雨

岳陽春晚

不覺春物老塊然湖上樓雲沙鷓鴣思風日沅湘愁
去翼滅雲夢來帆指昭丘所嗟芳桂晚寂寞對汀洲

漢陽春晚

漢陽抱青山飛樓映湘渚白雲蔽黃鶴綠樹藏鸚鵡
憑高送春日流恨傷千古遐想禰衡才令人怨黃祖
我思何所在

我思何所在乃在陽臺側良宵相望時空此明月色
歸魂泊湘雲飄蕩去不得覺來理舟楫波浪春湖白
烟光結楚秋瑤草不忍摘因書天末心擊此雙飛翼

江樓獨酌懷從

水國發爽氣川光靜高秋酣歌金尊綠送此清風愁
楚色忽滿目灘聲落西樓雲翻天邊葉月弄波上鈎
芳意長搖落衡蘭謝汀洲長吟碧雲合悵望江之幽

別秋佩

梁公魯孫
旅于南國

翠柳不着花鳳雛長忍飢未開丹霄翮空把碧梧枝
聖人奏雲韶祥鳳一來儀文章耀白日衆鳥莫敢窺
鬱抑不自言凡鳥何由知當看九千仞飛出太平時

小弟解南遊近來書

湘南客帆稀遊子寡消息經時停尺素望盡雲邊翼

咲言憑盞寐獨立想容色落景無來人脩江入天白
亭亭倚門念琴瑟風雨夕何處泊扁舟迢遞湍波側
秋歸舊窓竹永夜一凄寂吟爾鵲鷓篇中宵慰相憶

登章華樓

楚子故宮地蒼然雲深秋我來覽後事薄景空生愁
霸業沒荆棘雄厓成古丘沉吟問鼎語但見東波流
征鴻引鄉心一去何悠悠晴湖碧雲晚暝色空高樓
迢遞超遠嶠微茫入孤舟空路不堪望西風白波稠

雨夜呈長官

遠客坐長夜雨聲孤寺秋請量東海水看取淺深愁

愁窮重於山終年壓人頭朱顏與芳景暗赴東波流
鱗翼俟風水青雲方阻脩孤燈冷素焰虫響寒房幽
借問陶淵明何物可忘憂無因一醕酌高枕萬情休
客齋隨筆云作客涉遠適當第秋莫投孤
林古寺中夜不寐起坐悽惻而聞雨聲其
為一時襟抱不言可知而此首二句盡異
意態以海水喻愁非過也但作李頗非是
將還羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪靈魄
冷光徹遠目百里見海色送雲歸蓬壺望鶴滅秋碧
波瀾收日氣天上回澄寂百越落掌中十洲點空白
身居飛鳥上口咏元玄籍飄如出塵籠想望吹簫客

冥冥人間世歌笑不足惜竭來羅浮巔披雲煉瓊液
謝公雲岑興可以躡高跡吾將抱瑤琴絕境縱所適
將離澧浦置酒野嶼奉懷沈正字昆仲三
人聯登高第

春月三改兔花枝成綠陰年光東流水浩嘆傷羈心
酌桂烟嶼晚鳩鳴江草深良齒一超忽萬恨空相尋
上國刈翹楚才微甘陸沉無燈假貧女有淚沾牛衾
衡岳三麒麟各振黃鍾音卿雲被文綵芳價傾詞林
夫子芸閣英養鱗湘水尋晴沙踏蘭菊隱几當青岑
明月洞庭上悠揚掛離襟停盃一搔筆聊寄生芻吟

別尹練師

吾家五千言至道懸日月若非函關令誰駐流沙說
多君非尋志機悟獨超拔學道玉笥山燒丹白雲穴
南窮衡疑秀採藥歷幽絕夜卧瀑布風朝行碧岩雪
洞宮四百日玉籍恣探閱徒以茵蕙姿緬攀修真訣
塵羅罩浮世遐志空飛越一罷棋酒歡离情滿寥泝
願騎紫蓋鶴早向黃金闕城市不可留塵埃穢仙骨

司馬禮

感螢

愛爾持照書臨書嘆吾道青熒一點光曾誤幾人老

夜久獨此心環垣閉秋草

感古

九折無停波三光如轉燭玄珠人不見徒愛燕趙玉
龍祖已深感漢氏遠循欲驪山與茂陵相對秋草綠

近別

咫尺不相見便同天一涯何必隔關山乃言相別離
我心與君心脉脉無由知誰堪近別苦遠別猶所期

彈琴

深室無外響空桑七絃分所彈非新聲俗耳安肯聞
月落未終曲暗中泣湘君如傳我心苦千里蒼梧雲

送進士苗縱歸紫羅山居

汝上多奇山高懷愜清境強來干名地冠帶不能整
常言夢歸處泉石寒更靜鶴聲無人夜空月隨松影
今朝拋我去春物傷明景悵望相送還微陽在東嶺

古邊卒思歸

有田不得耕身卧遼陽城夢中稻花香覺後戰血腥
漢武在深殿唯思廓寰瀛中原半烽火比屋皆點行
邊土無膏腴閑地何必爭徒令執來者刀下死縱橫

蚕女

養蚕先養葉蚕老人亦衰苟無園中葉安得機上絲

妾家非豪門官賦日相追嗚梭夜達曉猶恐不及時
但憂蚕與葉敢問結髮期東隣女先嫁照鏡弄蛾眉

道中早發

野店雞一聲蕭蕭客車動四峯帶曉月十里猶相送
繁絃滿長道羸馬四蹄重遙羨青樓人錦衾方遠夢
功名不我與孤劍何所用行役難自休家山憶秋洞

山中晚興寄裴侍御

雷息疎雨散空山夏雲晴南軒對林晚籬落新蛩鳴
白酒一罇滿坐歌天地清十年身未閑心在人間名
永懷君親恩久賤難退情安得蓬丘侶提携採瓊英

于漬

塞下曲

紫塞曉屯兵黃沙披甲卧戰鼓聲未齊烏鳶已相賀
蕪然山上雲半是離鄉魂衛霍待富貴豈能乾坤

巫山高

何山無朝雲彼雲亦悠揚何山無暮雨彼雨亦滄茫
宋玉恃才者憑虛構高唐自垂文賦名荒淫歸楚襄
峩峩十二峯永作妖鬼鄉

織素謠

貧女苦筋力繰絲夜夜織萬梭為一素世重韓娥色

五侯初買咲建章方落籍一曲古涼州六親長血食

馬嵬驛

常經馬嵬驛見說坡前客一從屠貴妃生女愁傾國
是日芙蓉花不知秋草色當時嫁匹夫不妨得頭白

戍客南歸

北別黃榆塞南歸白雲鄉孤舟不彭蠡楚月沉滄浪
為子惜功業消身刀箭瘡莫渡汨羅水回君忠孝腸

旅館秋思

旅館坐孤寂出門成苦吟何事覺歸晚黃花秋意深
寒蝶戀衰草軫我離鄉心更見庭前樹南枝巢宿禽

山村曉思

開門省禾黍隣翁水頭住今朝南澗波昨夜西川雨
牧童披短策腰笛期烟渚不問水邊人騎牛傍山去
村居晏起

村舍少聞事日高猶閉關起來花滿地戴勝鳴桑間
居安即永業何者爲故山朱門與蓬戶六十頭盡班

邊遊錄戍卒言

二十屬盧龍三十防沙漠平生愛功業不覺從軍惡
今來容髮改知學彎弓錯赤肉痛金鎗他人成衛霍
目斷望君門君門苦寥廓

沙場夜

城上更聲發城下杵聲歇征人燒斷蓬對泣沙中月
明牛朝輓車戰馬夜啣鋏士卒浣戎衣交河水流血
輕裘兩都客洞房愁宿別何況遠辭家生死猶未決

南越謠

迢迢東南天巨浸無津濡雄風卷昏霧干戈滿樓船
此時尉佗心兒童待幽篋三寸陸賈舌萬里漢山川
苦令交趾貨盡生虞芮田天意苟如此遐人誰更憐

邵謁

長安寒食

春日熨九衢春風媚羅綺萬騎出都門擁在香塵裏
莫辭吊枯骨千載長如此安知今日身不是昔時鬼
君看平地遊亦見摧舟死

經安谷先生舊居

羽毛留遺蹤千載縱難沒一泉岩下水幾度換明月
松老不改柯龍久皆變骨雲雨有歸時雞犬無還日
至今青山中寂寞桃花發

論政

賢哉三握髮爲有天下憂孫弘不開閣丙吉寧問牛
內政由股肱外政由諸侯股肱政若行諸侯政自修

一物不得所蟻穴滿山丘莫言萬木死不因一葉秋
朱雲若不直漢帝終自由子嬰一失國渭水東悠悠

陸龜蒙

築城詞

城上一培土手中千萬杵築城畏不堅堅城在何處
莫嘆將軍逼將軍要却敵城高功亦高爾命何足惜

贈遠曲

茱萸匣中鏡欲照心還懶本是細腰人別來羅帶緩
從君出門後不奏雲和管妾思冷如簧時時望君煖
心期夢中見路遠魂夢斷愁坐泣西風秋窻月華滿

井上桐

美人傷離別汲井常待曉愁因轆轤轉驚起雙栖鳥
獨立傍銀床碧桐風嫋嫋

茶人

天賦識靈草自然鍾野姿閑來此山下似與東風期
雨後採芳去雲間幽路危唯應報春鳥得共斯人知

朱景玄

題呂食新水閣兼寄南商州郎中

丹檻初結構孤高冠清川庭臨谷中樹簷落山上泉
曉色掛殘月夜聲雜繁絃青春去如水康樂歸何年

華山南望春

靈岳多異狀巉巉出虛空閑雲戀巖壑起滅蒼翠中
皓氣澄野水神光秘瓊宮鶴巢前林雪瀑落浦間風
春盡花未發川迴路難窮何因着山屐屐跡尋羊公

張喬

聽彈琴

清月轉瑤軫弄中湘水寒能令坐來客不語自相看
靜恐鬼神出急疑風水殘幾時歸隴嶠更過洞庭彈

曹鄴

怨歌行

丈夫好弓劍行坐說金吾喜聞有行役結束不待車
官田贈倡婦留妾侍舅姑舅姑皆已死庭花半是蕪
中妹尋適人生女亦嫁夫何曾寄消息他處却有書
嚴風厲中野女子心易孤貧賤又相負封侯意何如
霽後作

新霽辨草木晚塘明素襟乳蕪不歸宿雙雙飛向林
微照露花影輕雲浮麥陰無人可招影盡日登山吟

羅隱

隴頭水

借問隴頭水年年恨何事全疑嗚咽聲中有征人淚

自古無長策况我非深智何計謝潺湲一宵空不寐

韓偓

幽獨

幽獨起侵晨山鶯啼更早門巷掩蕭條落花滿芳草
烟和魂共遠春與人同老默默又依依凄然此懷抱

王貞白

題巖光釣臺

山色四時碧溪光七里清巖陵愛此水下視漢公卿
垂釣月初上放歌風正輕應嫌渭濱叟匡國只論兵

李建勳

白鴈

東溪一白鴈羽毛何皎潔薄暮浴清波斜陽共明滅
差池失群久幽獨依人
族食賴菰蒲單栖怯霜雪
邊風昨夜起顧影空哀咽不及墻上烏相將繞雙闕

五言古詩卷之二十二

唐詩品彙二十二

五言古詩卷之二十三

唐詩品彙二十三

旁流

新寧高棟編

有姓氏無字里世次可考者十四人

薛竒童

塞下曲

驕虜初南下烟塵暗國中獨召李將軍夜開甘泉宮
一身許明主萬里總元戎霜甲掛不煖夜半聞邊風
胡天早飛雪芳檄多轉逢寒雲覆水重秋氣連海空
金鞍誰家子上馬鳴角弓自是幽并客非論愛立功

蔣奇童

擬古

沙塵蔽朝日失道還相遇寒影波上雲秋聲月前樹
川氣生曉夕野陰乍烟霧沉沉滌池水人馬不敢度
吮癰世所薄挾纊恩難願不見古時人中宵淚寅注

唐堯客

大梁行

客有成都來為我彈鳴琴前彈別鶴操後奏大梁吟
大梁傷客情荒臺對古城版築有陳跡歌吹無遺聲
雄哉魏公子疇日好羅英秀士三千人煌煌列衆星

金槌奪晉鄙白刃刎侯嬴邯鄲救趙北函谷走秦兵
君子榮且昧忠信莫之明間諜忽來及雄齒靡克成
千齡萬化盡但見清舊國多孤壘夷門荆棘生

蒼梧彩雲沒汲浦綠池平聞有東山去蕭蕭班馬鳴
河洲寒宿奔日夕淚沾纓因之唁公子慷慨此歌行

杜顒

從軍行

秋草馬蹄輕角弓持絃急去馬龍城侯正值胡兵襲
軍氣橫大荒戰酣日將入長風金鼓動白露鐵衣濕
四起愁邊聲南轅時佇立斷蓬孤自轉寒鷹飛相及

萬里雲沙漲路平
米霰澁夜聞漢使歸
獨向刀環泣

王烈

行路難

行客滿長路路長良足哀
白日持角弓射人而取財
千金誰家子紛紛死黃埃
見者不敢言言者不敢回
家人各望歸豈知長不來

孫昌胤

遇旅鶴

靈鶴產絕境昂昂無與儔
單飛滄溟曙一叫雲山秋
野性方自得人寰何聽求
時因戲祥風偶爾來中洲

中洲帝王宅園沿深且幽
希君惠稻梁欲拜辭丹丘
不然奮飛去將適汗漫遊
肯作池上鷺年年空沉浮

陳存

寓居武丁館

暑雨颯已過涼飈觸幽襟
虛館無喧塵綠槐多晝陰
俯視古苔積傾聆早蟬吟
放卷一長想閉門千里心

楊齊哲

函谷關

地險嶠函北途經分陝東
逶迤衆山盡荒涼古塞空
河光流曉日樹影散朝風
聖德今無外何處是關中

樓穎

伊水門

朝涉伊水門伊水入門流
愜心乃成興澹然泛孤舟
霏微傍青靄容與隨白鷗
竹陰交前浦柳色媚中洲
日落陰雲生彌覺茲路幽
聊以恣所適此外知何求

賈馳

秋入關

河上微風來關頭樹初濕
今朝關城吏又見孤客入
上國誰與期西來徒自急

李幼卿

遊石橋寺最高頂

拂霧理孤策薄霄躡層岑
迥升烟霧外豁見天地心
物象不可極遲回空咏吟

袁瓘

鴻門行

少年買意氣百金不辭費
學劍西入秦結交北遊魏
秦魏多報人與代亦殊倫
由來不相識皆是暗相親
寶馬青絲轡孤裘貂鼠服
晨過劇孟遊暮投咸陽宿
然諾本云云諸侯莫不聞
猶思百戰術更逐李將軍
始從灞陵下遙遙度朔野
北風聞楚詞南庭見胡馬

胡馬正秋肥相邀夜合圍戰酣烽火滅路斷救兵稀
白刃縱橫逼黃塵飛不息虜騎血灑衣單于淚沾臆
獻凱雲臺中自言塞上雄將軍行失勢部曲遂無功
新人不如舊舊人不相救萬里長飄飄十年計不就
棄置難重論驅馬度鴻門行看楚漢事不覺風塵昏
寶劍中夜撫悲歌聊自舞此曲不可終曲終淚如雨

元季川

山中晚興

河漢降玄霜昨來節物殊媿無神仙姿亦有陰陽俱
靈鳥望不見慨然悲高梧華葉隨風揚玃條雜荒蕪

爲君寒谷吟嘆息知何如

泉上雨後作

風雨蕩繁暑雷息佳霽初衆峰帶雲色清氣入我廬
颯颯涼飈來臨窺愜所厝綠蘿長新蔓裊裊垂坐隅
流水沒簾下丹砂發清蕖卷葛爲我不種茅爲我蔬
誰是畹與畦瀟漫連野蕪

賈琮

旅泊江津言懷

征途幾迢滯客子倦西東乘流如泛梗逐吹似驚蓬
飄風萬里外辛苦百年中異縣心期阻他鄉風月同

雲歸全嶺暗日落半江紅自然堪迸淚非是泣途窮
姓氏疑誤者六人

李頎

贈蘇明府

文苑英華作李頎詩按頎集無此篇疑誤

蘇君年幾許狀貌如玉童采藥傍梁宋共言隨日翁
常辭小縣宰一往東山東不復有家室悠悠人世中
子孫皆老死相失悲轉蓬髮白還更黑身輕行若風
汎然無所繫心與孤雲同出入惟一枝或作仗安然知
始終願聞素女事去採山花叢誘我為弟子逍遙尋
葛洪

高適

銅雀妓

比下二篇文苑英華俱作高適詩按常侍集無此詩疑誤

日暮銅雀迥秋深玉座清蕭森松柏望委鬱綺羅情
君恩不再得妾舞為誰輕

塞下曲

結束浮雲駿翩翩出從戎且憑王子怒復倚將軍雄
萬鼓雷殷地千旗火生風日輪駐霜戈月魄懸瑀弓
青海陣雲匝黑山兵氣衝戰酣太白高戰罷旄頭空
萬里不惜死一朝得成功畫圖麒麟閣入朝明光宮
大笑向文士一經何足窮古人昧此道往往成老翁

李彥暉

採桑 文苑英華
李彥遠詩

採桑畏日高不待春眠足攀條有餘態那矜一作貌
如玉千金豈不贈五馬空躑躅何以變真性幽篁雪
中綠

劉希戩

夏彈琴 文苑英華作
劉希夷詩

碧山本岑寂素琴何清幽彈為風入松崖谷颯已秋
庭鶴舞白雪泉魚躍洪流予欲悞世人明月難暗投
感嘆未終曲淚下不可收嗚呼鍾子期零落歸山丘

死而若有知冤兮隨我遊

李益

長干行 黃山谷云太白集中長干行二篇
其後篇憶妾深閨裏乃李益所作

詩意亦清麗
可喜恐是

憶妾深閨裏烟塵不曾識嫁與長干人沙頭候風色
五月南風興思君下巴陵八月西風起想君發揚子
去來悲如何見少離別多湘潭幾日到妾夢越風波
昨夜狂風度吹折江頭樹渺渺暗無邊行人在何處
好乘浮雲驄佳期蘭渚東鴛鴦綠蒲上翡翠錦屏中
自憐十五餘顏色桃花紅那作商人婦愁水復愁風

李赤

姑熟雜咏

蘇東坡公常過姑熟堂下讀李白十咏疑其詞語淺陋不類太白孫邈云聞之王安國秘閣下有李赤集此詩在焉赤嘗自比於李白故名赤

丹陽湖在當塗縣東南七十里是

湖與元氣連風波浩難止天外賈客歸雲間片帆起
龜遊蓮葉上鳥宿蘆花裏少女棹舟歸歌聲逐流水

謝公宅

即謝眺宅也
在城東青山

青山日將暝寂寞謝公宅竹裏無人聲池中虛月白
荒庭衰草徧廢井蒼苔積唯有清風間時時起泉石

凌歊臺

圖經臺在當塗黃山上宋武南遊嘗登此臺且建離宮焉

曠望登山臺臺高極人目疊嶂列遠空閑花雜平陸

澗雲入窓牖野翠生松竹欲覽碑上文苔侵豈堪讀

慈姥竹

當塗縣有慈姥山其竹堪為簫管

野竹攢石生含烟映江島翠色落波深虛聲帶寒早
龍吟曾未聽鳳曲吹應好不學蒲柳凋貞心常自保

望夫山

九域志昔有人適楚不還其妻登山望夫化為石山在當塗縣

顛望臨碧空怨情感離別芳草不知愁岩花爭未發
雲山萬里隔音信千里絕春去秋復來相思幾時歇

羽士二人

吳筠

愍俗從遷謝尋仙去淪沒三光有真人與我生道骨
凌晨吸丹景入夜飲黃月百關彌惆悵方寸益清越
栖神合虛無洞覽周恍惚不覺隨玉皇焚香詣金闕
二
怡神在靈府皎皎含清澄仙經不吾欺輕舉信有徵
疇昔希道念而今果天矜豈非陰功著乃致白日昇
焉用過洞府吾其越朱陵

三

予因詣金闕飛蓋超西極遂入素中天停輪大濛側
若華拂流影不使白日匿傾曦復停午六合無暝色
道化隨感遷此理誰能測

四

高昇紫極上宴此玄都岑玉蕊散奇香瓊柯流雅音
靈風生太漠習習吹人襟躰混帝微廣神凝空洞深
蕭然宇宙外自得乾坤心

步虛詞三首

扶桑誕初景羽蓋凌晨霞倏起西域嬉遊金母家
碧津湛洪源灼爍敷荷花煌煌青琳宮璨璨列玉華
真氣溢絳府自然思無邪俯矜區中士天濁良可嗟

二

瓊臺劫萬仞孤映太羅表常有三素雲凝光自飛遶
羽童泛明霞升降何縹緲鸞鳳嘯雅音栖翔絳林杪
玉虛無晝夜靈景何皎皎一覩太上京方知衆天小

三

二氣播萬有化機無停輪而我操其端乃能出陶鈞
寥寥太漠上所遇皆清真澄瑩含元和氣同自相親
絳樹結丹實紫霞流碧津以茲保童嬰永用超形神

覽古三首

興亡道之運否泰理所全奈何淳古風既往不復旋
三皇已散樸五帝初尚賢王業與霸功浮偽日已宣

忠誠及徂詐殺混安可甄餘智入九霄守愚淪重泉
永懷巢居時感涕陡泫然

二

食其昔未偶落魄為狂生一朝君臣契雄辨何縱橫
運籌康漢業憑軾下齊城既以智所遠還為智所烹
豈若終貧賤酣歌本無宮

三

絳侯成大績賞厚位仍尊一朝對獄吏榮辱安可論
蘇生佩六印奕奕為殃源主父食五鼎昭昭成禍根
李斯佐二辟巨釁鍾其門霍孟翼三后伊戚及後昆

天人忌盈滿茲理固永存方知得意者何必乘朱輪
滅景栖遠壑弦歌對清尊二疏返溪海蔣詡歸林園
瀟洒去物累此謀誠足敦

登北固山望海

此山鎮京口迥出滄海湄躋覽何所見茫茫朝夕馳
雲生蓬萊島日出扶桑枝萬里混一色焉能分兩儀
願言策烟駕縹緲尋安期揮手謝人境吾將從此辭
聽尹練師彈琴

至樂本太一幽琴和乾坤鄭聲久亂雅此道稀能尊
吾見尹仙翁伯牙今復存衆人乘其流夫子達其源

在山峻峰峙在水洪濤奔都忘迹城闕但覺清心魂
代乏識微者幽音誰與論

題龔山人草堂

世人負一美未肯甘陸沉獨抱匡濟器能懷真隱心
結廬迹城郭及到雲木深滅跡慕穎陽忘機同漢陰
啓戶面白水憑軒對蒼岑但歌考槃詩不學梁父吟
茲道我所適感君齊素襟勗哉龔夫子勿使囂塵侵

遊廬山五老峰

彭蠡隱深翠滄波照芙蓉日初金光滿景落黛色濃
雲外聽猿鳥烟中見杉松自然符幽情瀟洒愜所從

整策務探討嬉遊任從容玉膏正滴瀝瑤草多羊茸
羽人栖層崖道合乃一逢揮手欲輕舉為余扣瓊鍾
空香清人心正氣信有宗永用謝物累吾將乘鸞龍

登廬山東峯觀九江合彭蠡湖

百川灌彭蠡秋水方浩浩九派混東流朝宗合天沼
寫心涉雲峰縱日還縹緲宛轉衆浦分差池群山繞
江妃弄明霞彷彿呈窈窕而我臨長風飄然欲騰矯
昔懷滄洲興斯志果已紹焉得忘機人相從合魚鳥

司馬退之

洗心

不踐名利道始覺塵土腥不味稻粱食始覺神骨清
羅浮奔走外日月無短明山瘦松亦勁鶴老飛更輕
逍遙此中客翠髮皆長生草木多古色鷄犬無新聲
君有出俗志不貪英雄名傲然脫冠帶改換人間情
去矣丹霄路向曉雲冥冥

衲子五人

皎然

嚴滄浪云僧皎然詩在唐詩僧之上

古別離

大湖三山口吳王在時道寂寞千載心無人見春草

誰堪識怨者持此傷懷抱孤舟畏狂風一點宿烟島

步虛詞

予因覽真訣遂感西域一作城君玉笙下清冥人間未

曾聞日華鍊精魄皎皎無垢氛謂我有仙骨且令餌

氤氲俯仰媿靈顏願隨鸞鵠群俄然動風馭縹緲歸

青冥

擬古

日出天地正煌煌闢晨曦六龍驅群動古今無盡時
夸父亦何愚競走先自疲飲乾咸池水折盡長桑枝
渴死化爍火嗟嗟徒爾為空留鄧林在摧折令人嗤

送契上人游

西陵古江口遠見東陽州綠水不同泛春山應獨遊
尋僧白巖寺望月謝家樓宿昔心期在人寰非久留

夏日與綦毋居士昱上人院納涼

為依爐峰住境勝增道情涼日一作暑暑不變空門風

自清坐援香寶近轉愛綠蕪生宗炳青霞士如何知

我名

疾愈寄人

哀樂暗成疾卧中芳月移西山有清士孤嘯不可追
搗藥曙林靜汲泉陰澗遲微蹤與麋鹿遠謝求羊一作

舊知
交

經吳平觀

古觀秋來秀冷然
屬仙飈瓊葩被秀萼
柏實滿寒條
影殿山寂寂
寒天月昭昭
幽情寄仙侶
習定至中霄
清風間步虛
真人方上朝

冬日天井西峯過張鍊師所居

振衣逢野泉
漸見栖寒所
坎坎山下聲
幽幽林中語
仙卿何代隱
卿復言亦楚
開冰洗藥苗
掃雪候仙侶
零葉聚踈籬
幽花積寒渚
冥冥孤鶴性
天外時輕舉
同陸使君水堂納涼

柳家逃暑亭
意遠不可齊
煩襟蕩朱絃
高步援綠蕙
愛松滿尊客
來是清風携
澹渟前溪上
曠望古郡西
六月正中伏
水輕氣當淒野
香蘂荷芰通
性親鳧鷖
禪子願惠休
逸民重劉黎
乃知高世量
不以出處睽
禪山禪居寄東溪吳處士季德

青雲何潤澤
下有賢人隱
路入菱湖深
跡與黃鶴近
野風吹白芷
山月搖青軫
詩祖吳州庠
到君才不盡
身當青山秀
文体多郢聲
澄徹湘水碧
沉寥楚天清
時人格不同
至今罕知名
昔賢敦師友
此道獨君行
既得廬霍趣
乃高雷遠情
別時春風多
掃盡雲山雪

為君中夜起孤坐石上月悠然遺塵想邈矣達性說
故人不在茲幽桂惜未結

贈李中丞洪

深沉門外權奕世當榮寄地裂大將軍家傳介珪瑞
至今漳河俗猶受仁人賜公初鎮淮荆決勝無精兵
重圍逼大敵六月守孤城政用仁恕立恩由賞罰明
遂令麾下士感德顧不生干時聞王師諸將兵頗瀆
天子狩南漢塵烟滿函谷純臣獨耿介下士多返覆
明公仗忠節一言感萬夫物性如蒺藜化作春蘭敷
見譖金被爍終期玉有瑜移官萬里道君子情如何

靈一

溪行即事

近夜山更碧入林溪轉清不知伏牛路潭洞何縱橫
曲岍烟已合平湖月未生孤舟屢失道但聽秋泉聲

棲霞山夜坐

山頭戒壇路幽映雲岩側四面青石床一峯苔蘚色
松風靜復起月影開還黑何獨乘夜來殊非書所得

送冽寺主之京迎禪和尚

禪門居此地瞻望在虛空水國月未上蒼生如夢中
上人知機士瓶錫慰樊籠彼土諸梵象嗟君揚道風

僧泚

遊元象陌

空水朝色淨澹然湖上心舳艫輕且進江洲如可尋
秋風泐泐險落日波濤深寂寞武侯去中流方至今
貫休

臨高臺

涼風吹遠念使我升高臺寧知數片雲不是舊山來
故人天一涯久客殊未回鴈來不得書書寄空聲哀

古意二首

一雨火雲盡門門心冥冥蘭花與芙蓉滿院同芳馨

佳人天一涯好鳥鳴嚶嚶我有雙白壁不羨於虞卿
我有徑寸珠別是天地精玩之室生白瀟洒身安輕
只應天上人見我雙眼明

美人如遊龍被服金鴛鴦手把古刀尺在彼白玉堂
文章深掣曳珂珮鳴玎璫好風吹杏菴片片落銀床
何當舉羽翰遠逐朱鳥翔

脩陸

題僧夢微房

東海日未出九衢人已行吾師無事坐苔蘚人門生
雨過閑花落風來古木聲天台頻說法石壁欠題名

外夷一人

新羅王

太平詩

永徽元年真德大破百濟之衆遣其弟子春秋之子法敏以聞真德乃織錦作五言太平詩以獻其詞曰

大唐開鴻業巍巍皇猷昌止戈戎衣定脩文繼百王
統天崇雨施理物躰含章深仁諧日月撫運邁時康
幡旗既赫赫鉦鼓何鏗鏘外夷違命者剪覆破天殃
和風凝宇宙遐邇競呈祥四時調玉燭七曜巡萬方
維岳降宰輔維帝用忠良五三成一德昭我皇家唐

閨秀五人

劉令嫺

聽百舌

庭樹旦新晴臨鏡出雕楹風吹菴李氣傳過春鳥聲
盡寫山陽笛全作洛濱笙注意留觀聽誤令粧不成

張琰

春詞二首

垂柳鳴黃鸝關關若求友春晴不可奈愁殺閨中婦
日暮登高樓誰怜垂小手
昨日菴花飛今朝梨花吐春色能幾時那堪此愁緒
蕩子遊不歸春來淚如雨

寇坦女

古興二首

鬱蒸夏將半暑氣扇飛閣驟雨滿空來當軒捲羅幙
度雲開夕霽宇宙何清廓明月流素光輕風換炎鑠
孤鸞傷對影寶瑟悲別鶴君子去不還搔心欲何托

又

金菊延清霜玉壺多美酒良人獨不歸芳菲豈常有
不惜芳菲歇但傷別離久含情罷斟酌凝然對窓牖

妓常浩

贈盧夫人

佳人惜顏色恐逐芳菲歇日暮出畫堂下階見新月
拜月仍有詞傍人那得知歸來玉臺下始覺淚痕垂

鮑君微

關山月

高高秋月明北照遼陽城寒迥光初滿風多暈更生
征人望鄉思戰馬聞鼙驚朔風悲邊草沙漠昏虜營
霜凝匣中劍風憊原上旌早晚謁金闕不聞刀斗聲

女冠一人

李冶

寄朱放

望水試登山山高湖又闊相思無曉夕相望經年月
鬱鬱山木榮綿綿野花發別後無限情相逢一時說

五言古詩卷之二十三

唐詩品彙二十三

五言古詩卷之二十四

唐詩品彙二十四

新寧高棟編

長篇

李白

送魏萬還王屋

王屋山人魏萬來自嵩宋沿吳相訪數千
里不遇乘興遊台越經永嘉觀謝公石門
後於廣陵相見遂共過金陵此公愛文好
占獨往物表因述其行而贈是詩凡六十
韻○一作自嵩歷充遊梁入吳計三千里
相訪不遇因下江東尋諸名山往復百越
後於廣陵一面遂乘
興同過金陵云云

仙人東方生浩蕩弄雲海沛然乘天遊獨往失所在

魏侯繼大名本家聊攝城卷舒入元化跡與古賢并
十三弄文史揮筆如振綺辨折田巴生心齊魯連子
西陟清洛源頗驚人世喧采秀卧王屋因窺洞天門
竭來遊嵩峯羽客何雙雙朝携月光子莫宿玉女窓
鬼谷上窈窕龍潭下奔瀆東浮汴河水訪我三千里
逸興滿吳雲飄颻浙江汜揮手杭越間章亭望潮還
濤卷海門石雲橫天際山白雪走素車雷奔駭心顏
遙聞會稽美且度耶溪水萬壑與千岩崢嶸鏡湖裏
秀色不可名清輝滿江城人遊月邊去舟在空中行
此中久延佇入剡尋王許咲讀曹娥碑沈吟黃絹語

天台連四明日入向國清玉峰轉月色百里行松聲
雲溪恣沿越華頂殊超忽石梁橫青天側足履半月
眷然思永嘉不憚海路賒掛席歷海嶠回瞻赤城霞
赤城漸微沒孤嶼前嶢兀水續萬古流亭空千霜月
縉雲川谷難石門最可觀瀑布掛北斗莫窮此水端
噴壁洒素雪空濛生晝寒却思惡溪去寧懼惡溪惡
咆哮七十灘水石相噴薄路創李北海岩聞謝康樂
松風和猿聲搜索連洞壑徑出梅花橋雙溪納歸潮
落帆金華岬赤松若可招沈約八詠樓城西孤岩崑
崙堯四荒外曠望群川會雲卷天地開波連浙西大

亂流新安口北指巖陵瀨釣臺碧雲中邈與蒼嶺對
稍稍來吳都徘徊上姑蘇烟綿橫九疑漭蕩見五湖
目極心更遠悲歌但長吁迴繞楚江濱揮策揚子津
身著日本裘昂藏出風塵五月造我語知非佻儻人
俗擬固相逢樂無限水石日在眼徒于五諸侯不致
滯貌百金產吾友揚子雲絃歌播清芬雖為江寧宰好與
山公群乘興但一行且知我愛君君來幾何時仙臺
應有期東牕綠玉樹定長三五枝至今天壇人常咲
爾歸遲我苦惜遠別茫然使心悲黃河若不斷白首
長相思

經亂離後天恩流夜郎憶舊遊書懷贈江

夏韋太守良宰凡八十三韻

天上白玉京十二樓五城仙人撫我頂結髮受長生
誤逐世間樂頗窮理亂情九十六聖君浮雲掛空名
天地賭一擲未能忘戰爭試涉霸王畧將期軒冕榮
時命乃大謬弃之海上行學劍翻自哂為文竟何成
劍非萬人敵文竊四海聲兒戲不足道五噫出西京
臨當欲去時慷慨淚沾纓嘆君倜儻才標舉冠群英
開筵列祖帳慰此遠徂征鞍馬若浮雲送余驃騎亭
歌鍾不盡意白日落昆明十月到幽州戈鋌若羅星

君王弃北海掃地借長鯨呼吸走百川燹然可摧傾
心知不得語却欲棲蓬瀛寧張懼天狼挾矢不敢張
攬涕黃金臺呼天哭昭王無人貴駿骨綠耳空騰驤
樂毅儻再生于今亦奔亡蹉跎不得意驅馬還舊鄉
逢君聽絃歌肅穆坐華堂百里獨太古陶然卧羲皇
徵樂昌樂館開筵列壺觴賢豪間青娥對燭儼成行
醉舞紛綺席清歌繞飛梁歡娛未終朝秋滿歸咸陽
祖道擁萬人供帳遙相望一別隔千里榮枯異炎涼
炎涼幾度改九土中橫潰漢甲連胡兵沙塵暗雲海
草木搖殺氣星辰無光彩白骨成丘山蒼生竟何罪

幽關壯帝居國命縣哥舒長戟三十萬開門納兇渠
公卿如犬羊忠讜醢與菹二聖出遊豫兩京遂丘墟
帝子許專征秉旄空強楚節制非桓文軍師擁罷虎
人心失去就賊勢騰風雨惟君固房陵誠節冠終古
僕卧香爐頂飡霞漱瑤泉門開九江轉枕下五湖連
半夜水軍來潯陽滿旄旒空名適自誤迫脅上樓船
徒賜五百金弃之若浮烟辭官不受賞翻謫夜郎天
夜郎萬里道西上令人老掃蕩六合清仍爲負霜草
日月無偏照何由訴蒼昊良牧稱神明深仁恤交道
一忝青雲客三登黃鶴樓顧慙禰處士虛對鸚鵡洲

樊山霜氣盡寥落天地清江帶峨眉雪川橫三峽流
萬舸此中來連帆過揚州送此萬里目曠然散我愁
紗牕倚天開水綠樹如髮窺日畏街山促酒喜對月
吳娃與越艷窈窕誇鉛紅呼來上雲梯含笑出簾籠
對客小垂手羅衣舞春風賓跪請休息主人情未極
覽君荆山作江鮑堪動色清水出芙蓉天然去雕飾
逸興橫素襟無時不招尋朱門擁虎士列戟何森森
前鑿竹石開縈流漲清深登樓坐水閣吐論多英音
片詞貴白璧一諾輕黃金謂我不愧君青鳥同舟心
五色雲間鵲飛鳴天上來傳聞赦書至却放夜郎回

煖氣變寒谷炎烟生死灰君登鳳池去忽弃賈生才
桀犬尚吠堯凶奴咲千秋中夜四五嘆常為大國憂
旌旆夾兩山黃河當中流連雞不得進飲馬空夷猶
安得弄善射一箭落旄頭

杜甫

劉須溪云子美大篇江洋奇怪不測雖太白退之天十罕及矣

自京赴奉先縣詠懷凡五十韻

杜陵有布衣老大意轉拙許身一何愚竊比稷與契

東坡志林云子美自許稷與契人未必許也然其詩云舜舉不六相身尊道何高秦時用商鞅法令如牛

毛此自是稷契居然常漶落白首甘契闊蓋棺事則

已此志常覬豁窮年憂黎元嘆息腸內熱若溪詩話云孟子七

篇論君與民者居半余觀少陵窮年憂黎元等語其
仁心廣大異夫求穴之螻蟻輩真得孟子之所存矣
東坡問畢仲游云少陵何如人谷云似司馬遷但能
名其詩耳余謂少陵似孟子蓋原其心者也

取笑同學翁浩歌彌激烈非無江海志瀟洒送日月
生逢堯舜君不忍便永訣當今廊廟具構厦豈云缺
葵藿傾太陽物性固莫奪願惟螻蟻輩但自求其穴
胡為慕大鯨輒擬偃溟渤以茲悟生理獨耻事干謁
兀兀遂至今忍為塵埃沒終愧巢與由未能易其節
沉飲聊自遣放歌頗愁絕歲暮百草零疾風高崗裂
天衢陰崢嶸客子中夜發霜嚴衣帶斷指直不得結
凌晨過驪山御榻在嵒岨蚩尤塞寒空蹴踏崖谷滑

瑤池氣鬱律羽林相摩戛君臣留歡樂動殷膠葛
賜浴皆長纓與焚非短褐彤庭所分帛本自寒女出
鞭撻其夫家聚斂貢城關聖人筐篚恩實欲邦國活
臣如忽至理君豈棄此物多士盈朝廷仁者宜戰慄
况聞內金盤盡在衛霍室中堂舞神仙煙霧濛玉質
煖客貂鼠裘悲管逐清瑟勸客駝蹄羹霜橙壓香橘
劉云風雅雜見朱門酒肉臭路有凍死骨榮枯咫尺異惆悵
難再述北轅就涇渭官渡又改轍群水從西下極目
高崕兀疑是崆峒來恐觸天柱折河梁幸未拆支撐
聲窸窣行旅相攀援川廣不可越老妻既異縣十口

隔風雪誰能久不顧庶往共飢渴入門聞號咷幼子
飢已卒吾寧捨一哀里巷亦嗚咽所愧為人父無食
致天拆豈知秋未登貧窶有倉卒生常免租稅名不
隸征伐撫迹猶酸辛平人固騷屑默思失業徒因念
遠戍卒憂端齊終南頽洞不可掇

北征

至德二載公自鳳翔還鄜州此詩述
在路及到家之事當是本年九月作

皇帝二載秋閏八月初吉杜子將北征蒼茫問家室
維時多艱虞朝野少暇日顧慙恩私被詔許歸蓬華
拜辭詣闕下怵惕久未出雖乏諫諍恣恐君有遺失
君誠中興主經緯固密勿東胡反未已臣甫憤所切

揮涕戀行在道途猶恍惚乾坤含瘡痍憂虞何時畢
靡靡踰阡陌人烟眇蕭瑟所遇多被傷呻吟更流血
回首鳳翔縣旌旗晚明滅前登寒山重屢得飲馬窟
邠郊入地底涇水中蕩潏猛虎立我前蒼崖吼時裂
菊垂今秋花石戴古車轍青雲動高興幽事亦可悅
山菓多瑣細羅生雜橡栗或紅如丹砂或黑如點漆
雨露之所濡甘苦齊結實劉云長篇自然不可無此
又云愁結中得從容風刺
如此語乃
大篇興致緬思菴源內益嘆身世拙坡陀望鄜時谷
岩互出沒我行汜水濱我僕猶木末鷓鴣鳴黃桑野
鼠拱亂穴夜深經戰場寒月照白骨潼關百萬師往

者散何卒遂令半秦民殘害為異物况我墮胡塵及
歸盡華髮經年至茅屋妻子衣百結慟哭松聲迥悲
泉共幽咽平生所嬌兒顏色白勝雪見爺背面啼垢
膩脚不韞床前两小女補綻纒過膝海圖拆波濤舊
綉移曲折天吳及紫鳳顛倒在短褐老夫情懷惡嘔
泄卧數日那無囊中帛救汝寒凜慄粉黛亦解包衾
稠稍羅列瘦妻面復光癡女頭自櫛學母無不為曉
粧隨手抹移時施朱鈿狼籍畫眉闕生還對童稚似
欲忘飢渴問事競挽鬢誰能即嗔喝翻思在賊愁甘
受雜亂聒新婦且慰意生理焉得說

劉云北征精神全得一段盡意

他人窘態有甚不能自言又羞置勿道

至尊尚蒙塵幾日休練卒仰看

天色改旁覺妖氛豁陰風西北來慘澹隨回紇其王
願助順其俗喜馳突送兵五千人驅馬一萬匹此輩
少為貴四方服勇決所用皆鷹騰破敵過箭疾聖心
頗虛佇時議氣欲奪伊洛指掌收西京不足拔官軍
請深入蓄銳伺俱發此舉開青徐旋瞻略恒碣昊天
積霜露正氣有肅殺禍轉亡胡歲勢成擒胡月胡命
其能久皇綱未宜絕憶昨狼狽初事與古先別姦臣
兢菹醢同惡隨蕩拆不聞夏殷衰中自誅褒妲周漢
獲再興宣光果明哲桓桓陳將軍仗鉞奮忠烈微爾

人盡非于今國猶活淒涼大同殿寂寞白獸闈都人
望翠華佳氣向金闕園陵固有神洒掃數不輟劉音
朔謂每有喪正煌煌太宗業樹立甚宏達石林詩話云
亂終必反正魏以前詩無過十韻者蓋常人以意逆志初不以叙
事傾倒為工至杜子美北征述懷諸篇窮極筆力如
太史公紀傳此古今之絕唱也○東坡曰北征詩識
君臣大体忠義之氣與秋色爭高可貴也○替溪詩
眼云孫老常謂老杜北征不能相服時山谷尚少乃曰
甫以謂南山勝北征不及南山若書一代之事與國
若論工巧則杜北征不及南山若書一代之事與國
風雅頌相為表裏則北征不可無而南山雖不作未
害也二公
之論遂定

韓愈

南山詩按長安志終南山在萬年縣南山
十里○漢書太一山又為終南山

東方朔曰終南山天下之大阻也其山多
玉石金銀銅鐵豫章檀栢異物不可勝原
此百工取給萬姓所仰足也○元和初公
自江陵法曹召為國子博士賦此詩凡百
有二韻○洪駒父曰此詩似上林子虛賦
才力小者不可到也

吾聞京城南茲維群山圍東西兩際海巨細難悉究
山經及地志柔昧非受授團辭試提絜挂一念萬漏
欲休諒不能粗序所經觀嘗昇崇丘望戢戢見相湊
晴明出稜角縷脉碎分繡蒸嵐相傾洞表裏忽通透
無風自飄簸融液煦柔茂橫雲時平凝點點露數岫
天宇橫脩眉濃綠畫新就孤掌有巉絕海浴寒鵬嚼
音書○此已上春陽潛沮如濯濯深吐秀岩巒雖律
總序南山大槩

舉輒弱類含耐夏炎百木盛蔭鬱增埋覆神靈日歆

獻雲氣爭結構秋霜喜刻鑠磔卓立癯瘦參差相疊

重剛耿陵宇宙冬行雖幽墨冰雪工琢鏤新曦照危

峨億丈恒高袤明晦無停態頃刻異狀候已上序四時變態

西南雄太白突起莫間造造者粹也齊也初救切藩都配德

運分宅占丁戊謂西南亦逍遙越地位詆訐陷乾竇逍

氣較搜漱朱維方燒日陰霰縱騰糅糅女救切昆明陰

池北去覲偶晴晝繇聯窮俯視倒側困清澗微瀾動

水面踊躍躁猱驚呼惜破碎仰喜呀不什削倒也

又匹候切已上言南前尋經杜墅即杜陵也坐蔽畢原陋

山方隅連巨之所嶺陸煩互走音勃然思拆袞擁掩難恕宥巨靈與夸

娥河神巨靈以手擎山遠賈期必售還疑造物意固

護蓄積粘力雖能排幹雷電怯呵詬攀轅脫手足躑

蹬抵積蹙茫然試矯首塌塞生恂愁寇茂二音威容

喪蕭爽近新迷遠舊拘官計日月欲進不可又因緣

窮其湫南山有凝湛閉陰獸魚蝦可俯掇神物安敢

寇林柯有脫葉欲墮鳥驚救其湫神靈葉落恐爭銜

鸞環飛投棄急哺音旋歸道回睨遠枿杜復奏吁

嗟信竒怪時質能化質前年遭譴謫探歷得邂逅初

從藍田入

貞元十九年十二月公自監察御史謫出為連州陽山令已下言其過藍田縣所經

歷見也

顧盼勞頸脰時天晦大雪淚目苦矇瞶峻塗拖

長冰直下若懸溜褰衣步推馬顛蹶退且復蒼黃忘

遐睎所矚纔左右杉篁咤蒲蘇果耀攢介胃專心憶

平道脫險逾避臭

呂氏春秋曰人有臭者其兄弟皆無能與居者

昨來逢

清霽宿願欣所副崢嶸躋家頂倏閃雜鼙鼙前低劃

開闊瀾漫堆衆皴

一作皴石巖也

或連若相從或蹙若相闔

或妥若弭伏或徻若驚雉或散若瓦解或赴若輻輳

或翻若船遊或決若馬驟或背若相惡或向若相佑

或亂若抽筭或嶮若炷灸

音疾

或錯若繪畫或繚若篆

籀或羅若星離或翫若雲逗或浮若波濤或碎若鋤

耨或如賁育倫睹勝勇前購先強勢已出後鈍嗔誼

譟

不能言貌

或如帝王尊叢集朝賤幼雖親不褻狎雖遠

不悖謬或如臨食案肴核分飭餽又如遊九原墳墓

包擲柩或纍若盆罌或揭若登豆或覆若曝鱉或頽

若寢獸或蜿若藏龍或翼若搏鷲或齊若朋友或差

若先後或迸若流落或頽若宿留或戾若仇讎或密

若婚媾或儼若峨冠或翻若舞袖或屹若戰陣或圍

若蒐狩或靡然東注或偃然北首或如火熺烟或若

氣饋餽或行而不輟或遺而不收或斜而不倚或弛而不彀或赤若秃鬣或燠若柴樵或如龜拆兆或若卦分繇音宙或前橫若剝或後斷若妬延離又屬夬夬叛還溝喁喁魚闖萍落落月經宿閭閭樹墻垣巘巘架庫廡參參削劍戟煥煥啣瑩瑿敷敷花彼萼闕闕屋摧霤悠悠舒而安兀兀狂以徂超超出猶奔蠹蠹駭不懋已上序其狀大哉立天地經紀宵營腴象營衛腴也厥初孰開張僂俛誰勸侑創茲朴而巧戮力忍勞疚得非施斧斤無乃假咀呪鴻荒意無傳功大莫酬儻嘗聞於祠官苾芬降歆嗅斐然作歌詩惟用贊報

醕音又言作歌詩以贊報醕之典醕亦報也韓仲韶云是詩始終序其四時之變次叙南山連亘之所止其未則序其經歷之所見者焉

五言古詩卷之二十四

唐詩品彙二十四

唐詩三卷

唐詩三卷



